

հազին ատենին : Եւ յորժամ սկսաւ Փափն պատարագել, եւ դպիրքն եղանակէին : Այլ եւ ունէր Փափն վարպետ մի եւ ժամասաց, դա- 105 տրմ մի որ խիստ անուշ ձայն ունէր, նման հրեշտակաց կամ թէ Մամասոյ . եւ յորժամ նա երգէր՝ այլքն լռէին . եւ ասին թէ սա յիսուն դեկան օսկի ունի օլօֆայ ի Փափէն ամէն շաբաթ : Եւ այսպէս ամէն եկեղեցի կայ 110 վարպետ մի քաղցրանուազ, բայց սորա նման չտեսաք . ով ոք լսէ՝ զմայլի եւ թըմրի : Իսկ հնչմունք զանկակաց եւ ձայն երգէհոնաց, փողոց, թմպկաց եւ այլ նուագարանաց լսելի լինէր ի քաղաքն ամենայն . եւ խլացուցանէր 115 զունկն լսողաց եւ զուարճացեալ խայտային հոգով եւ մարմնով մարդիք :

Եւ իբրեւ կատարեաց զսուրբ պատարագն՝ հաղորդեցոյց զիշխանս եւ զորս ինքն կամեցաւ ի ձեռաց իւրոց : Զոր աղաչեմ 120 Տեառն Աստուծոյ օգնական լինել ամենայն հաւատացելոց, մանաւանդ մեզ Հայոց : Եւ զկնի պատարագին բերին մաֆան եւ նստաւ ի վրայ . եւ իբրեւ մտաւ ի սարան, սկսան թփեր նետել, թուֆաքնի եւ փողս հարկանել, 125 շատլիս եւ ուրախութիւն առնելով . եւ զինվորքն եւ ազատքն զգեցեալ էին զրեհ եւ սաղաւարտս ի գլուխս, ոմանք մերկ սուր երկսայրի ի ձեռս ունելով, այլք գեղարդք, վխանք եւ նիզակք, որ փայլզփայլի տային եւ ի 130 ճառագայթից արեգական պշնուին աչք հայո-